

傷

寒

選

錄

六

傷寒選錄卷六

新安相門朴野汪棧立彙

同邑石壑陳楠編輯

同邑和溪程鐫校正

霍亂一百四
丹溪曰內有所積外有所感陽不升陰垂備而成也

脉法

經曰脉伏者霍亂丹溪曰脉多伏或絕

徐氏曰脉來浮洪者可治微而遲氣少不語者難治

愚謂州難盡憑病之難易人之死生望聞問切之間必有

所得者

霍亂治法

問曰病有霍亂者何答曰嘔吐而利名曰霍亂

註曰三焦者水穀之道路邪在上焦則吐而不利邪在下焦則利而不吐邪在中焦則既吐且利以飲食不節寒熱不調清濁相干陰陽乖隔遂成霍亂輕者止曰吐利重者揮霍撩亂名曰霍亂○不渴理中丸渴飲水五苓散

問曰病發熱頭痛身疼惡寒吐者此屬何病答曰此名霍亂白吐下又利止復更發熱也宜桂枝白木湯

註曰發熱頭痛身疼惡寒者本是傷寒者因邪入裏傷于脾胃上吐下利令爲霍亂利止裏和復更發熱者還是傷寒必汗出而解

傷寒其脉微澁者本是霍亂今是傷寒却四五日至陰經上轉入陰必利本嘔下利者不可治也欲以大便而反失氣仍不利者屬陽明也便心硬十三日愈所以然者經盡故也

註曰微爲亡陽澁爲亡血傷寒脉微澁本是霍亂吐利亡陽亡血吐利止傷寒之邪未已還是傷寒却四五日邪傳陰經之時裏和遇邪必作自利本嘔者邪甚于上又利者邪甚于下先霍亂裏氣太虛又傷寒之邪再傳爲吐利是重虛也故爲不治若欲似大便而反失利仍不利者利爲血不利爲實穀大便而反失氣裏氣熱也此屬陽明便必硬也十三日愈者傷寒六日傳變三陰

三陽後六日再傳經盡則陰陽之氣和大邪之氣去而愈也。宜麻仁丸乃係太陰理中便鞭不能食與結陰同法小承氣湯

利後當便鞭則能食者愈。今反不能食到後經中頗能食復過一經能食過之一日當愈不愈者不屬陽明也宜小承氣湯

註曰下利後亡津液當便硬能食爲胃和當自愈到後經中爲言七日後再經也頗能食者胃氣方和當愈不愈者暴然使之能食非陽明氣和也

惡寒脉微而復利利止亡血也四逆加人參湯

註曰惡寒脉微而利者陽虛陰勝也利止則津液內竭

故云亡血金匱玉函曰水竭則無血與四逆湯溫經助陽加人參生津益血

霍亂頭痛發熱身疼痛熱多欲飲水者五苓散散寒多不用水者理中丸

註曰頭痛發熱邪自風寒而來中焦為寒熱相半之分邪稍高居陽分而為熱多欲飲水者五苓散以分利之邪稍下居陰分而為寒多不用水者理中丸以溫補之吐利止而身痛不休者當消息和解其外宜桂枝湯小和之

註曰吐利止裏和也身痛不休表未解也與桂枝湯小和之外臺云裏和表病汗之則愈

吐利汗出發熱惡寒四肢拘急手足厥冷四逆湯

註曰上吐下利裏虛也汗出發熱惡寒表未解也四肢拘急手足厥冷陽虛陰勝也與四逆湯助陽退陰

既吐且利小便復利而大汗出下利清穀內寒外熱脈微欲絕者四逆湯

註曰吐利亡津液則小便當少今復利而大汗出陽氣大虛津液不固也脈微爲亡陽若無外熱但下利清穀爲純陰此以外熱爲陽未絕猶可與四逆湯救之

吐已下斷汗出而厥四肢拘急脈微欲絕通脈四逆湯加猪膽汁

註曰吐已下斷津液內竭不當汗出而厥今汗出而厥

四肢拘急脉微欲絕者陽氣大虛陰氣獨勝也若純與陽藥恐陰爲格拒或嘔躁不得入也與通脉四逆湯加猪膽汁之苦入心而通脉膽寒補肝而和陰引湯藥不被格拒經曰微者逆之甚者從之此之謂也

吐利發熱脉平小煩者以新虛不勝穀氣故也

註曰食入于胃長氣于陽以新虛不勝穀氣是生小煩

傷寒與霍亂異

傷寒發熱脉弦汗出不解心下痞而吐利大柴胡湯此無躁擾煩亂故非霍亂之候霍亂所以與傷寒異者此也

傷寒變爲霍亂

保命集云傷寒霍亂轉筋身熱脉長陽明本病胃受濕熱中

焦氣滯或因冷飲或感溫氣冷熱不調陰陽相搏故轉筋
暴熱吐瀉中焦胃氣所主也

徐氏曰傷寒傳變爲霍亂者殊少惟夏秋暄熱腠理開發感
風濕暍之氣而生此症多有陰陽虛實不同學者審之

霍亂非因鬼邪皆由飲食此前人確論

三因曰霍亂者心腹卒痛頭痛寒熱吐利眩暈是也先心痛
則先吐先腹痛則先利心腹齊痛吐利並作甚則轉筋入
腹則繫蓋陰陽反戾清濁相干上下奔逸治之唯宜溫暖
更詳所因而調之因風惡風有汗因寒惡寒無汗濕則重
着暑則熱煩此外因也元氣不足鬱聚飲食痞滿悶隨
其勝復而作吐利此內因也其或飽食恣飲腹脹停凝遂

發吐利此不內外因也與丹溪所論互有發明因併及之
但立方未能以盡其變學者宜自推格

活曰內傷于食外感于暑暑濕相搏陰陽交爭以致霍亂此
疾多生於醉飽盛於夏秋然寒月雖有亦猶伏暑而然脉
候雖沉手足雖厥不可遽用熱藥縱使當用亦宜涼服劉
守真用益元散治之正此意也

霍亂轉筋

陳氏曰陽明養宗筋屬胃與大腸今暴吐下津液頓亡外侮
四氣內積七情飲食甜膩攻閉諸脉枯削于筋筋失所養
故挛縮急痛甚則遍身筋轉邪縮舌卷爲難治也

愚謂此言轉筋似有二者之異今暴吐利津液頓亡此言

吐利之後轉筋也故宜從養血涼血之例外感內積攻閉
諸脉此言霍亂將發轉筋也治宜從丹溪或吐或下之例
未審是否用者詳之

轉筋治法

男子以手挽其陰女子以手牽其乳近兩旁

轉筋屬血熱四物加酒芩紅花蒼朮南星煎服

乾霍亂

劉草窗曰忽然心腹脹滿絞痛欲吐不吐欲利不利者是也
俗名絞腸沙成氏曰所傷之物不得泄出擁閉正氣隔絕
陰陽所以多死嗚呼飲食有節起居有常烏致此疾經云
飲食自倍腸胃乃傷是也

徐氏曰陳氏謂人腸胃素厚形氣實者故感四氣則吐不行
乾霍亂也大抵執勝痰鬱則悶亂濕勝飲鬱則吐下形氣
虛者禍不旋踵

丹溪曰乾霍亂最難治死在須臾升降不通故也吐提其氣
最是良法俗多煨鹽臠湯吐之或有用白礬爲末泡湯服
之取吐亦良陶云鹽湯須入皂莢末二三分服吐尤妙切
勿與穀食雖米湯飲之立死必待吐瀉過一二時飢甚方
可與稀粥

霍亂煩渴

陳氏曰吐利並作津液頓亡腎必枯燥引水自救

劉氏曰吐利大渴煩躁冷汗出轉筋厥沉遲清暑益氣湯

活人曰霍亂自汗內熱渴甚者小柴胡湯 白虎湯香薷飲

冷服又云嘔利熱多而渴五苓散 小柴胡湯冷服

徐氏曰渴與水者唯宜溫暖熱甚者天水散輩以甘緩火也
霍亂隨病治例 出保命集

吐利頭痛身熱屬太陽陽明也宜和中平胃散輩脈浮自汗
四君子加桂脈浮無汗四君子加麻黃

吐利轉筋脇痛脈弦屬少陽也宜平胃加木瓜或建中柴胡
加木瓜

吐利轉筋腹痛體重脈沉而細屬太陰也四君子加芍藥良
薑

吐利四肢拘急脈沉而遲屬少陰也四君子加薑附厚朴

吐利四肢厥冷脉微緩屬厥陰也建中加歸附

吐下腹痛手足逆冷理中去木加熟附名四順湯出元戎

吐利後轉筋理中加煨石膏二兩

大法生薑理中湯最好出丹溪

有宜吐者雖已自吐利還須吐以提其氣用二陳湯探吐

或樟木煎湯亦可

一方蒼朮厚朴陳皮葛根各一錢半活石錢三白木錢二通義

炙甘草煎服或用薑湯下保和丸四十粒

內有物所傷外有邪氣所遏大法宜發汗有用吐兼發散之

義有用溫藥解散者二妙如川芎蒼朮防風白芷等

委中出血俗用湯拍繩刮委中視有紫黑點者鋒針刺之出

血

乾霍亂或腹中絞刺急痛宜刺委中及用繩刮會命穴乃臂
臑對腋處也

霍亂已死腹中有暖氣者鹽納臍中灸七壯

霍亂轉筋藜一把去兩頭水煮薑洗鹽湯亦可

活人曰但有執逆而霍亂者均不可用附子等燥熱之劑如
抱薪救火止可用白虎湯及解暑藥極冷服

霍亂吐利自汗手足冷脉沉絕不渴者四逆湯理中丸

愚按霍亂治法有汗有下有吐有溫

有刺有灸有薰洗治各不同者蓋以霍亂變症種種多端
內傷者當分有餘不足而補瀉之外感者當分風寒暑濕

而解利之內傷無外感者又當別其表裏虛實內外寒熱孰多孰少而掣縱之加乾霍亂者宜吐之或下之如筋轉痛者宜養之或清之其他或分利或消導或薰洗或灸或利臨症施治各適其宜不可混同而苟且也保命集又分六經症治固可以開示後人但藥多溫補似有所未當也常見東南病此者多覩其所發之症似皆內傷多也間有頭痛發熱祇恐揮霍撩亂而使然也有之其間固有外感微邪鬱遏膚腠以致內傷不能通暢而作者恐但少耳且其來也速其發也暴頃刻之間藥難措手俗用煨鹽鹹湯探吐又以油蠟刮委中奪命等穴多獲全濟既吐之後雖不藥亦自可蓋以霍亂多由氣血鬱滯而生內有吐法以

提天氣外有亂法以行其血固有捷于藥者特表出之以
備倉卒

痙一百五

痙脉

太陽病發熱脉沉而細者名曰痙或曰脉沉細故爲痙若浮
大爲傷風傷寒矣

註曰太陽發熱爲表病脉當浮大今反沉細既不愈則
太陽中風重感於濕而爲痙也金匱要畧曰太陽病其
証身痛体強凡凡然脉反沉遲此爲痙括婁桂枝湯主
之

此條當與柔痙合而爲一柔痙言証而此言脉也蓋沉